



**NORMATIV-HUQUQIY HUJJATLAR LOYIHASINI ISHLAB
CHIQUISH VA KELISHISHNING YAGONA ELEKTRON
TIZIMI**

Loyiha

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ ҚАРОРИ
Наманган вилоятида замонавий мева-сабзавотчилик агросаноат кластерини ташкил этиш
чора-тадбирлари тўғрисида
ID-56998 (V-1)

Мева-сабзавот маҳсулотларини етиштириш, қайта ишлаш ва сотишнинг замонавий усулларини ривожлантириш, тўғридан-тўғри инвестицияларни кенг жалб қилиш, серҳосил ва экспортбop мева-сабзавот экинлари навларини жойлаштириш, ташқи бозор талабига тўлиқ жавоб берадиган маҳсулотларни етиштириш, шунингдек, аграр соҳа масулдорлигини ошириш ва янги иш ўринлари яратиш мақсадида Вазирлар Маҳкамаси **қарор қилади**:

1. Ўзбекистон Республикаси Инвестициялар ва ташқи савдо вазирлиги, Қишлоқ хўжалиги вазирлиги ва Наманган вилояти ҳокимлигининг Наманган вилоятида “Namangan sharbati” МЧЖ негизида мева-сабзавот агросаноат кластерини (кейинги ўринларда – агросаноат кластер) ташкил этиш тўғрисидаги таклифига розилик берилсин.

2. Қуйидагилар агросаноат кластерининг асосий фаолият йўналишлари этиб белгилансин:

мева-сабзавот ва бошқа қишлоқ хўжалиги экинларини етиштиришнинг замонавий ва самарали усулларини, илм-фаннинг илғор ютуқларини, илғор инновацион агротехник ва сувни тежайдиган технологияларни жорий этиш;

тўғридан-тўғри хорижий инвестицияларни жалб этган ҳолда мева-сабзавотларни қайта ишлашнинг самарали усулларини ва уларни чуқур қайта ишлаш технологияларини жорий этиш;

замонавий “in-vitro” лабораторияси ҳамда кўчатхоналар ташкил этиш;

мева-сабзавотчилик маҳсулотларини чуқур қайта ишлаш орқали рақобатбардош, экспортбop маҳсулотларни ишлаб чиқариш;

тупроқ унумдорлигини ошириш, экин ерларидан оқилона ва самарали фойдаланиш ва уларни муҳофаза қилиш тадбирларини ишлаб чиқиш ҳамда амалга ошириш.

3. Наманган вилоятида мева-сабзавотларни етиштириш ва чуқур қайта ишлаш бўйича агросаноат кластери томонидан 2022 - 2025 йилларда амалга ошириладиган инвестиция лойиҳаларининг прогноз кўрсаткичлари иловага мувофиқ тасдиқлансин.

4. Наманган вилояти ҳокимлиги, Қишлоқ хўжалиги вазирлиги ва Давлат солиқ қўмитаси ҳузуридаги Кадастр агентлиги ер участкаси норматив қийматининг икки бараваридан ортик миқдордаги пул маблағлари депозитга қўйиш шarti билан Наманган вилояти Янгиқўрғон туманида **бўш турган 301,4 гектар** қишлоқ хўжалигига мўлжалланган ер майдонларини белгиланган тартибда ижара ҳуқуқи асосида агросаноат кластерига ажратиб берилишини таъминласин.

5. Белгилансинки, агросаноат кластер томонидан инвестиция мажбуриятлари бажарилмаганда, шунингдек ер ижара шартномасида назарда тутилган талабларга риоя этилмаган тақдирда Ўзбекистон Республикасининг Ер кодексида назарда тутилган ҳолларда ер участкасини ижарага олиш ҳуқуқи бекор қилинади.

6. Наманган вилояти ҳокимлиги, Ўзбекистон Республикаси Сув хўжалиги вазирлиги, Давлат солиқ қўмитаси ҳузуридаги Кадастр агентлиги билан биргаликда хўжаликлараро суғориш ва мелиоратив тармоқларнинг техник ҳолатидан келиб чиқиб, белгиланган тартибда таъмирлаш-тиклаш ишларини амалга оширсин ҳамда Наманган вилоятига белгиланган лимит доирасида экин майдонларини сув билан таъминласин.

7. Шунда тартиб ўрнатилсинки, унга мувофиқ агросаноат кластер учун ажратилган ер майдонларининг:

сувни тежайдиган (томчилатиб, ёмғирлатиб, дискрет ва бошқа) суғориш технологиялари жорий этилган қисмига сувни тежайдиган суғориш технологиялари жорий этилган ойнинг бошидан эътиборан беш йил муддатга солиқ солинмайди;

фермер хўжаликлари учун назарда тутилган лизинг бўйича қишлоқ хўжалиги техникаларини харид қилиш, ўсимликларни қимёвий ҳимоя қилиш воситалари ва бошқа моддий ресурсларни етказиб бериш шартлари ва тартиб-қоидалари агросаноат кластер учун ҳам татбиқ этилиши;

Вазирлар Маҳкамасининг “Фермер хўжалиklarининг насос агрегатлари ва суғориш қудуқлари истеъмол қиладиган электр энергияси қийматини қоплаш учун Ўзбекистон Республикаси давлат бюджетидан субсидиялар ажратиш чора-тадбирлари тўғрисида” 2018 йил 3 майдаги 320-сон қарорига асосан фермер хўжалиklarининг насос агрегатлари ва суғориш қудуқлари истеъмол қиладиган электр энергияси қийматини қоплаш учун Ўзбекистон Республикаси Давлат бюджетидан субсидиялар ажратилиши маълумот учун қабул қилинсин.

8. Ўзбекистон Республикаси Қишлоқ хўжалиги вазирлиги, Ўзбекистон Республикаси Ўсимликлар карантини ва ҳимояси агентлиги агросаноат кластернинг буюртмасига мувофиқ шартнома асосида учувчисиз учиш аппаратлари (дронлар) ёрдамида қишлоқ хўжалигига мўлжалланган ерлар ва экинлар ҳолатини мониторинг қилиш ҳамда зарарқундалар билан зарарланган майдонларда агротехник тадбирларни ўтказиш бўйича хизмат кўрсатишни йўлга қўйсин.

9. Ўзбекистон Республикаси Бандлик ва меҳнат муносабатлари вазирлиги агросаноат кластер томонидан амалга ошириладиган лойиҳаларда иштирок этиш учун юқори малакали хорижий мутахассисларга агросаноат кластер буюртманомаларига биноан Ўзбекистон Республикаси ҳудудида меҳнат фаолиятини амалга ошириш ҳуқуқини берадиган тасдиқномалар белгиланган тартибда берилишини (муддати узайтирилишини) таъминласин.

10. Ўзбекистон Республикаси Ташқи ишлар вазирлиги Қишлоқ хўжалиги вазирлигининг виза буюртманомаларига биноан лойиҳани амалга оширишда жалб этиладиган чет эллик мутахассислар учун кириш визаларини консуллик йиғимлар ва ҳақиқий харажатларнинг ўрнини қоплаш ҳисобидан йиғимлар ундирилмасдан, зарур ҳолларда, Ислом Каримов номидаги “Тошкент” халқаро аэропортида расмийлаштирилишини таъминласин.

11. Ўзбекистон Республикаси Ички ишлар вазирлиги Қишлоқ хўжалиги вазирлигининг буюртманомалари бўйича лойиҳани амалга оширишда иштирок этувчи хорижий мутахассисларга виза расмийлаштирилиши ва муддати узайтирилишини, шунингдек, уларнинг вақтинча турган

жойи бўйича рўйхатга олиншини белгиланган тартибда таъминласин.

12. “Худудий электр тармоқлари” АЖ инвестиция лойиҳаси объектларининг электр тармоқларига уланишини, энергия истеъмол қилувчи қурилмаларни Инвестор маблағлари ҳисобига белгиланган тартибда зарур қувват билан таъминлашни амалга оширсин.

13. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Ғаниев, Ўзбекистон Республикаси кишлоқ хўжалиги вазири Ж.А. Ходжаев ва Наманган вилояти ҳокими Ш.Ш.Абдуразаков зиммасига юклансин.

Ўзбекистон Республикасининг

Бош вазири

А.Арипов

Вазирлар Маҳкамасининг
2022 йил ___ февралдаги ___-сон қарорига
ИЛОВА

**Наманган вилоятида мева-сабзавотларни етиштириш ва чуқур қайта ишлаш бўйича агросаноат кластери томонидан 2022 – 2025 йилларда
амалга ошириладиган инвестиция лойиҳаларининг
ПРОГНОЗ КЎРСАТКИЧЛАРИ**

Т/р	Инвестиция лойиҳасининг номи	Асосий ижро этувчи	Лойиҳа қиймати (эквивалентда млн. АҚШ доллари)	Молиялаштириш манбалари		Йиллик қуввати	Ташкил этилаётган иш ўринлари сони	Амалга ошириш муддатлари
				лоyiҳа ташаббускорларининг ўз маблағлари (млн. АҚШ доллари)	хорижий инвестиция-лари (млн. АҚШ доллари)			
“Наманган Шарбати” масъулияти чекланган жамияти шаклидаги қўшма корхонаси								
1.	Янги интенсив боги яратиш	Наманган шарбати МЧЖ қўшма корхона	10,0	10,0	-	2000 тонна	70	2022-2025 йиллар
	Агротехник тадбирлар амалга ошириш		0,01	0,01	-	-	-	-
	Тупроққа минерал ўғитлар ва бошқа кимёвий моддалар билан ишлов бериш		0,01	0,01	-	-	-	-
	Интенсив қўчат сотиб олиш ва уларни экиш		3,11	3,11	-	-	-	-
	Қўчатларни экиш		0,03	0,03	-	-	-	-
	Сув чиқариш учун кудуқлар ва насос станцияси куриш		0,11	0,11	-	-	-	-
	Томчилаб суғориш тизимини жорий қилиш ва ўрнатиш		0,83	0,83	-	-	-	-
	Бошқа харажатлар		0,03	0,03	-	-	-	-

Т/р	Инвестиция лойҳасининг номи	Асосий ижро этувчи	Лойиҳа қиймати (Эквивалентда млн. АҚШ доллари)	Молиялаштириш манбалари		Йиллик қуввати	Ташкил этилаётган иш ўринлари сони	Амалга ошириш муддатлари
				лойиҳа ташаббускорларининг ўз маблағлари (млн. АҚШ доллари)	хорижий инвестиция-лари (млн. АҚШ доллари)			
	Кўчатчилик лабораториясини ташкил қилиш		0,02	0,02	-	-	-	-
	Мева сабзавот қайта ишлаш заводини кўчириб куриш 3 йил мобайнида		5,77	5,77	-	-	-	-
	12 дона “Белорус” русумли тракторини харид қилиш		0,09	0,09	-	-	-	-